

太平寰宇記

第十五冊

太平軍年記

卷十五

太平寰宇記卷之五十四

河北道三

魏州

博州

魏州

魏州

魏郡今理大名元城二縣

禹貢兗冀二州之域在夏卽爲觀

扈之國星分畢昴春秋爲晉地戰國爲衛魏二國之境秦滅魏置東郡滅趙置邯鄲郡漢高祖使韓信定河北以秦邯鄲郡之南部并東郡之邊縣置魏郡卽今元城縣地是也後漢封曹操爲魏王理鄴自漢至魏晉郡皆在鄴前燕慕容暉都鄴于今

州理置貴鄉郡尋省周靜帝大象二年又于貴鄉
郡之東界置魏州隋大業三年罷州爲武陽郡唐
武德四年平竇建德復爲魏州又分置漳陰縣領
貴鄉昌樂元城莘武陽臨黃觀城頓邱繁水魏冠
氏館陶漳陰十三縣其年割頓邱觀城二縣置澶
州又割莘臨黃武陽三縣置莘州又割冠氏館陶
置毛州魏州置總管府管魏黎澶莘毛五州魏州
領貴鄉昌樂繁水漳陰元城魏六縣貞觀元年罷
都督府仍省漳陰縣其年廢莘毛澶三州盡以所
領縣屬魏州十七年省元城武陽觀城三縣十八

年省繁水縣龍朔二年改爲冀州大都督府以殷
王爲都督督冀貝德相棣滄魏七州咸亨三年依
舊爲魏州罷都督府永昌元年置武聖縣聖祿二
年又置元城縣天寶元年改爲魏郡乾元元年復
爲魏州天祐三年割貝州之夏津臨清永濟宗城
經城相州之內黃成安洹水博州之清平來屬從
魏府之所請後唐同光元年升爲東京興唐府三
年改爲鄴都晉天福初改爲廣晉府漢乾祐元年
改爲大名府周顯德元年依舊爲天雄軍節度使
其大名府額仍列在京兆府之下皇朝因之

元領縣十 今十七

大名 元城 南樂 魏縣 館陶 冠氏 莘

縣 朝城 夏津 臨清 永濟 宗城 經城

已上五縣 貝州割到 清平 博州割到 內黃 成安 洹水 已

三縣相 州割到

二縣割出

頓邱 臨黃 並入 澶州

州境

東南二百四十里 南北三百二十里

四至八到

東至東京四百里

西南至西京七百五十里

西南至長安一千六百一十里

東至博州武水縣一百三十七里

正東微北至博州一百八十里

南至相州一百六十里

西至相州一百一十里

北至貝州二百一十里

東南渡河至濮州一百九十里

西北至洺州平恩縣界九十四里

東南渡河至鄆州二百三十里

西北至洛州一百六十里

戶

唐開元戶一十一萬七千一百七十五

皇朝戶主五萬五千九百八十七客二萬九百八十五

風俗

毛詩云魏地狹隘其人機巧史記云邯鄲亦漳河之閒一都會也北通燕涿南有鄭衛鄭衛俗與趙相類然近梁魯微重而矜節漢書云邯鄲土廣俗

雜大率精急高氣勢

姓氏

魏郡五姓

申

暴

柏

暢

鴨一作

長

葛一作

人物

蓋寬饒

魏郡人爲司隸校尉刺舉卿貴戚皆懼

欒巴

內黃人官議郎

誦永昌太守嘗有嘆酒之異

東哲

字廣微元城人官著作郎撰晉書七代紀補亡詩

唐郭震

字元振魏州館陶人累軍功封代國公

谷那律

魏州昌樂人博洽羣

書褚遂良稱爲九經庫官宏文館學士

劉祥道

魏州觀城人爲高祖相

沈

仝期

字雲卿內黃人與宋之問齊詩名官太子詹事

李義珍

魏州昌樂人爲相高

宗欲令武后預知國政義珍固爭不可

張萬福

元城人官左金吾衛

吳保

安平集
卷之五十四
四

安

魏州人

路巖

冠氏人在相位八年

土產

絹

貢

絲

綿

絁

紬

貢

枝頭乾

漢書云

冀州其利松柏

大名縣

舊三十鄉今六鄉

本漢元城縣地後魏孝文太和二

十一年分置貴鄉縣因前燕慕容暉之貴鄉郡以名之屬昌樂郡按水經注云沙邱堰有貴鄉謂此也隋開皇三年罷郡縣屬魏州大業三年改屬武陽郡唐武德初割屬魏州後唐改爲廣晉縣漢乾祐初改爲大名 愜山在縣西九里古堰也今名

愜山漢成帝時河決金堤使者王延世于此運土以塞河頗愜當時人心故謂之愜山 大河故瀆在縣東三里俗名王莽河水經注云故瀆又東北經元城西北至沙邱堰昔禹治洪水播爲九河自此始也 屯氏河俗名毛河水經注云大河故瀆北出爲屯氏河漢書溝洫志曰自塞宣房河復北決于館陶分爲屯氏河廣深與大河等 西渠開元二十八年九月刺史盧暉移通濟渠自石灰窠引流注于城西夾水制樓百餘閒以貯江淮之貨故有西渠之名 州城前燕慕容暉所置也周宣

太平寰宇記 卷之五十四
帝于此置州理焉

元城縣

舊三十鄉
今六鄉

本漢舊縣屬魏郡應劭曰魏武侯

公子元食邑于此國因氏焉又魏書吳質爲元城
令文帝枉鄴騎卽謂此邑高齊省元城縣入貴鄉
隋開皇六年復置唐貞觀十三年又省入貴鄉聖
厯二年重置開元十三年移于州東北三百步後
唐改爲興唐縣晉復爲元城 沙麓在縣東十二
里亦名女姓邱春秋經云沙麓崩注云晉地也漢
書云王翁孺旣徙魏郡元城委粟里元城建公曰
昔春秋沙麓崩晉史卜之曰後六百四十五年當

有聖母興其齊田氏乎今翁孺徙居正直其地日月當之元城郭東有五鹿之墟卽沙麓地也後八十年有貴女興天下云其後平帝幼小元后果臨朝稱制也 五鹿墟在縣東左傳謂晉公子重耳乞食于五鹿野人與之塊卽其處也 馬陵在縣

東南十里魏攻韓韓告急于齊齊使田忌將而孫臏爲師使齊軍入魏地爲十萬竈明日爲五萬竈又明日爲二萬竈龐涓大喜曰我固知齊卒怯入吾地三日士卒亾去者過半乃倍行逐之孫臏度其暮至馬陵乃大斫樹白書曰龐涓死于此下于

是令善射者萬弩夾道而伏期見火舉而俱發麗
涓夜至斫木下見白書乃鑽火燭之齊軍萬弩俱
發魏軍大亂涓自刎 王翁孺墓在縣東二百步
漢書王翁孺旣免居委粟里卽元后之祖也 東
晉墓在縣南二十五里

南樂縣

南十五里舊三十鄉今七鄉

本漢舊縣屬東郡後魏孝文

于漢舊樂昌縣城置昌樂郡及昌樂縣周武帝改
屬魏郡隋罷郡改屬魏州今改名南樂 王莽河
西去縣十六里 平邑竹書紀年云晉烈公四年
趙城平邑按縣圖云在縣城東界

魏縣

西四十里舊十六鄉今四鄉

本漢舊縣屬魏郡後魏孝文帝

分魏縣置昌樂縣高齊省魏縣入昌樂縣隋開皇
六年又分昌樂置魏縣依舊屬魏州 漳河舊漳
河在今縣西北十里卽史起所決以灌鄴旁者新
漳河在今縣西北二十一里 白溝水北接館陶
界隋煬帝導爲永濟渠亦名御河南自相州洹水
縣界流入又北阿難河出焉蓋魏將阿難所導以
利衡瀆故此瀆有阿難之稱矣又唐史開元二十
八年魏州刺史盧暉開通濟渠自石灰窰引流至
州西都注魏橋夾州製樓百餘間以貯江淮之貨

是此渠 蓋寬饒墓在縣東南八里 狄仁傑祠

在縣東南四里爲魏州刺史百姓爲立祠

館陶縣

北五十里舊十
五鄉今五鄉

本春秋時晉冠氏邑也陶邱

在縣西北七里爾雅曰再成爲陶邱趙時置館于
其側因爲縣名漢時屬魏郡魏文帝改屬陽平郡
石趙移陽平郡理此周大象二年置毛州以近河
爲稱隋大業二年廢毛州以館陶縣屬魏州 金
堤漢武時河決館陶及東郡金堤謂此地也 大
河故瀆俗名王莽河東去縣四里 屯氏河俗名
毛河在縣西二里 白溝水煬帝導爲永濟渠亦

名御河西去縣十里

冠氏縣

東北六十里舊二十一鄉今四鄉

本漢館陶縣地隋開皇六

年分館陶東界置冠氏縣因古冠氏邑爲名屬毛

州煬帝大業二年廢毛州冠氏縣屬魏州 黃河

郡國志云俗名黃壘 王莽河北去縣十八里

冉仲弓墓在縣北二十五里

莘縣

東七十五里舊二十一鄉今五鄉

本衛地漢爲陽平縣屬東郡

周武帝建德七年于此置武陽郡在武水之陽因

以爲名隋開皇八年改陽平縣爲清邑縣十六年

于縣置莘州十八年改樂平縣爲莘亭大業二年